

四庫全書

史部

欽定四庫全書

史部  
明集禮卷十三

詳校官監察御史臣劉芬

編修臣程嘉謨覆勘

總校官知縣臣楊懋珩

校對官中書臣牛稔文

謄錄監生臣許紹錦

欽定四庫全書

明集禮卷十三

吉禮十三

專祀太歲風雲雷雨師

總序

太歲者十二辰之神按說文歲之字從步從戌木星一歲行一次十二辰而一周天若步然也自子至巳為陽自午至亥為陰所謂太歲十二神也陰陽家說又有十

二月將十日十二時所直之神若天罡太乙功曹太衝之類雖不經見歷代因之唐宋不載祀典元每有大興作祭太歲月將日直時直於太史院若其風師雨師之祀見於周官秦漢隋唐亦皆有祭天寶中又增雷師於雨師之次因升風雨雷師為中祀宋元因之國朝既於圓丘以太歲風雨雷師從祀且增雲師於風師之次復以春秋驚蟄秋分後之三日專祀本歲太歲及風師雲師雷師雨師於國南羣祀壇天子降香遣官行事其郡

縣風雲雷雨師之祭一如前代之儀云

壇制 時日附

太歲之祀始自國朝古無壇宇之制若風雲雷雨之祀則月令以立春後丑日祭風師於國城東北立夏後申日祀雨師於國城西南北之於東北西南者從箕畢星位也東漢以丙戌日祀風師於戌地以己丑日祀雨師於丑地以丑戌日祀於丑戌地者各從其氣類也唐因隋制於立春後丑日祀風師於國城東北立夏後申日

祀雨師雷師於國城西南其壇皆三尺周迴十六步宋  
兆風師於西郊兆雨師於北郊風師壇高三尺周二十  
三步雨師雷師壇高三尺廣一十五步元祭風師於東  
北郊祭雨師於西南郊而郡縣立壇通祀風雨雷師雷  
雨壇在稷壇西風師壇在社壇東其制卑小於社稷壇  
國朝以春秋合祭太歲風雲雷雨於國南其制屋而不  
壇若各府州縣之祀風雲雷雨師則仍築壇於城西南  
祭用驚蟄秋分日

牲幣

周禮大宗伯以禋燎祀風師雨師禋燎者積柴以實牲體而燎之也爾雅曰祭風曰磔磔謂披磔牲體象風之散物也漢祀風師雨師牲用羊豕唐用羊一宋祀雨師羊二豕二風師雷師各羊一元祀風雨雷師各羊一豕一國朝太歲風雲雷雨師各用一太牢其幣則唐宋元及國朝皆以白

祭器

唐祀風雨雷師每壇設太尊一著尊一山壘一籩豆十簠簋二宋每壇置犧尊四象尊四以為酌尊置太尊二山尊二著尊二犧尊二象尊二壺尊六以為設尊籩豆十簠簋二簋二登一元如宋制國朝太歲風雲雷雨各用尊三籩八豆八簋二簋二

酒齊

唐祀風雨雷師太尊實醴齊著尊實盎齊山壘實事酒宋設尊其八實五齊三酒其八實明水玄酒酌尊犧尊



實泛齊象尊實醴齊元及國朝太歲風雲雷雨酌尊皆  
同宋制

染盛

唐宋元及國朝皆簠簋黍稷簠簋實稻粱

籩豆之實

唐宋元及國朝皆籩實以石鹽乾魚棗栗榛菱芡鹿脯  
白黑餅豆實以韭菹醯醢菁菹鹿醢芹菹兔醢筍菹魚  
醢脾析菹豚拍

樂

周禮大司樂奏黃鍾歌大呂舞雲門以祀天神唐初祀  
風師雨師無樂天寶中因增祀雷師升風雨雷師為中  
祀乃用登歌一部貞元中令包佶撰樂章宋初祀風雨  
雷師無樂元豐中始用樂制樂章以為降神之節焉元  
樂制未聞國朝用雅樂

祝冊

唐祀風師祝文曰維某年歲次月朔日子嗣天子某謹

遣攝太尉

臣

某姓名敢昭告於風師惟神含生開動畢

佇振發功施造化實彰祀典謹以制幣犧齊粢盛庶品  
明薦於神尚享雨師祝文曰時維正陽品物方茂式資  
膏潤敬修常祀雷師祝文曰殷發三春震開萬物禮存  
報德式備常典首尾俱與風師祝文同宋元祝文缺

欽定四庫全書

卷十三

專祀天神壇位

雷師之神	風師之神	箕 甲 太 歲 之 神	雨師之神	雲師之神
------	------	----------------------------	------	------





專祀天神壇每位陳設圖

明集禮卷十三 九

榛

菱

芡

鹿脯

鹽

橐魚

棗

栗

稷

梁

肉羹

牲

燭

神位

幣

牲

香案

爵站

沙池

祝

韭菹

醢醢

菁菹

鹿醢

芹菹

兔醢

筍菹

魚醢

黍

稻

太羹

牲

燭



太歲風雲雷雨樂章

迎神

中和之曲

吉日良辰祀典式陳太歲尊神雷雨風雲濯濯厥靈昭  
黃林姑黃姑林南林南林姑太林黃姑黃姑黃太姑黃  
鑒我心以候以迎來格來歆

南姑林林姑黃太南林姑南

奠幣

保和之曲

靈旗泣止有赫其威一念潛通幽明弗違有幣在篚物

卷十三  
林黃太姑姑林南林南林姑太林太南黃南黃南姑姑  
薄而微神兮安留尚其享之

林南林南林姑太黃太姑林

初獻

安和之曲

神兮我留有薦必受享祀之初奠茲醴酒晨光初升祥  
夾黃太夾林南林太太林南林夾林夾黃太黃南林黃  
徵應候何以侑觴樂陳雅奏

南夾林夾黃太夾南黃林夾

亞獻

肅和之曲

我祀維何奉茲犧牲爰酌醴齊貳觴載升洋洋如在式  
黃林姑黃姑林南林南林黃太林太南黃黃南林姑黃  
燕以寧庶表微衷交於神明

南姑林黃太姑太南林姑黃

終獻

凝和之曲

執事有嚴品物斯祭黍稷非馨式將其意薦茲酒醴成  
太黃太姑林夷林太仲林夷林太林姑黃太黃太姑黃

我常祀神其顧歆永言樂只

夷林太林黃太姑林夷林太

徹豆

壽和之曲

春祈秋報率為我民我民之生賴於爾神維神祐之康  
黃林姑黃黃南姑林黃太姑太林太南黃黃南姑林姑  
寧是臻祭祀云畢神其樂欣

太南黃姑林南林南林姑黃

送神

豫和之曲

三獻禮終九成樂作神人以和既燕且樂雲車風馭靈  
林黃太姑林南林太黃南黃姑林太南黃黃南林姑黃  
光昭灼瞻望以思邈彼寒廓

林南林林姑黃太姑林南林

望燎

熙和之曲

俎豆既徹禮樂已終神之云還倏將焉從以望以燎庶  
黃太姑林林南黃太黃南林姑姑林姑黃黃南黃姑林  
幾感通時和歲豐維神之功

太南黃林姑黃太南林姑黃

降香遣官祀太歲風雲雷雨師儀注

時日 春以驚蟄後三日秋用雷收聲時秋分後三日  
行事

齋戒 前期三日皇帝齋戒獻官及各執事官俱散齋  
二日致齋一日

降香 前祀一日清晨有司立仗百官具公服侍班皇  
帝服皮弁服陞奉天殿捧香授獻官獻官捧由中陞降

中道出至午門外置龍亭內儀仗鼓吹導引至祭所

陳設 前祀一日有司陳設如圖儀

省牲 前祀一日獻官公服詣壇東省牲贊禮引至省牲位執事者牽牲省訖詣神厨視鼎鑊視滌濯畢遂烹牲執事者以豆取毛血置於饌所

正祭 祭日清晨執事者入實尊罍簋簠豆牲俎并陳毛血豆於神位前列篚幣於酒尊所贊引引獻官及應祀官各入就位

迎神

贊禮唱迎神協律郎舉麾奏

闕

之曲

樂作成

止

贊禮唱有司已具請行禮唱鞠躬拜興拜興平身獻

官及在位者皆鞠躬拜興拜興平身

樂止

奠幣

贊禮唱奠幣贊引引獻官詣盥洗位搢笏盥手

悅手出笏詣太歲神位前協律郎奏

闕

之曲贊禮唱

跪獻官北向跪搢笏三上香執事者捧幣東向跪授獻

官獻官受幣贊禮唱奠幣獻官興奠幣於神位前贊禮

唱鞠躬拜興拜興平身次詣風師雲師雷師雨師上香



奠幣皆如太歲神位前之儀奠訖

禁止復位

進俎 贊禮唱進俎執事者舉俎升階協律郎跪俛伏

舉麾奏

闕

之曲贊禮引獻官至太歲神位前搢笏以

俎奠於神位訖出笏

以下四位進俎皆同

初獻 贊禮唱行初獻禮贊引引獻官詣爵洗位搢笏

滌爵拭爵以爵授執事者

以下四位爵其滌拭授皆同

詣酒尊所司

尊者舉罍執爵者以爵進酌醴齊以爵授執事者

以下四位

進爵酌醴授執事皆同

出笏贊禮唱詣太歲神位前協律郎舉麾

奏

闕

之曲

闕

之舞贊禮引至神位前跪搢笏三上

香三祭酒奠爵出笏俯伏興平身少退鞠躬拜興拜興

平身次詣風師以下四位上香祭酒退拜皆如上儀拜

畢

樂舞止

贊禮唱讀祝獻官跪讀祝官取祝版於神右

跪讀畢

樂舞作

贊禮唱俯伏興平身稍後鞠躬拜興拜

興平身

樂舞止

亞獻終獻並如初獻儀

惟不讀祝

飲福受胙

贊禮唱飲福受胙贊引引獻官詣飲福位

鞠躬拜興拜興平身稍前跪搯笏進爵祭酒飲福酒以爵復於坫奉俎者進俎獻官受俎以俎授執事者出笏俯伏興平身鞠躬拜興拜興平身復位

徹豆 贊禮唱徹豆掌祭官徹豆贊禮唱賜胙傳贊唱已飲福受胙者不拜在位官皆再拜鞠躬拜興拜興平身

送神 贊禮唱送神協律郎舉麾奏闕之曲贊禮唱

鞠躬拜興拜興平身獻官以下皆再拜祝人取祝幣人

取幣詣望燎位

望燎 贊禮唱望燎贊引引獻官詣望燎位執事者以祝版幣饌置於燎壇贊禮唱可燎執事者舉炬火燔之柴半燎贊禮唱禮畢獻官以下各以次出

王國祭風雲雷雨

齋戒 前期王散齋二日於別殿王相府官於正寢王致齋一日於正殿王相府官於公廨

省牲 先祭二日執事設王次於廟壇南門外道之東

南向先祭一日典儀典祠導王至次執事者各執事典儀典祠導王至省牲位執事者自東牽牲西行過王前省訖執事牽牲詣神厨典儀典祠導王詣神厨視鼎鑊視滌濯訖典儀典祠導王還次

陳設 先祭一日典祠依圖陳設

正祭 祭日清晨典祠率執事者各實尊罍籩豆登鉶置幣篚於案祝版於神位之右大樂入就位諸執事及陪祭官入就位典祠啓王服遠遊冠絳紗袍典祠典儀

金匱要略卷十三  
導王至位北向立典祠典儀分左右立於王之前

迎神

司禮唱迎神

大樂作

司禮唱請行禮典祠啓有

司謹具請行事啓鞠躬拜興拜興平身司禮唱在位官再拜司贊唱鞠躬拜興拜興平身王與在位官皆鞠躬拜興拜興平身

樂止

奠幣初獻

司禮唱奠幣行初獻禮典祠啓詣盥洗位

大樂作

典儀典祠導王至盥洗位

樂止

典祠啓搢圭王

搢圭典祠啓盥手司盥洗者酌水王盥手訖司巾者以

巾進典祠啓悅手王悅手訖典祠啓出圭王出圭典祠  
啓詣爵洗位典祠典儀導王至爵洗位典祠啓搢圭王  
搢圭執爵官以爵進典祠啓受爵王受爵典祠啓滌爵  
司爵洗者酌水王滌爵訖典祠啓拭爵司巾者以巾進  
王拭爵典祠啓以爵授執事者王以爵授執爵官典祠  
啓出圭王出圭啓詣風雲雷雨神位前

大樂作

典祠典

儀導王至神位前

樂止

奉爵奉幣者前行典祠啓跪王

跪掌祭詣案取香跪進於王之左典祠啓搢圭王搢圭

啟上香上香三上香王三上香訖奉幣者捧幣跪進於王之右王受幣奠於神位前奉爵者捧爵跪進於王之右王受爵典祠啟祭酒祭酒三祭酒奠爵王三祭酒奠爵訖典祠啟出主王出主讀祝官取祝跪讀於神位之右讀畢復以祝置於案典祠啟俯伏興拜興拜興平身王俯伏興大樂作拜興拜興平身樂止典祠啟復位典祠典儀導王復位

亞獻 司禮唱行亞獻禮典祠啟行亞獻禮掌祭官於



神位前爵內斟酒典祠啟鞠躬拜興拜興平身王鞠躬

大樂作

拜興拜興平身

樂止

終獻如亞獻之儀

飲福受胙 司禮唱飲福受胙執事舉香案置於王拜

位前執事酌福酒舉胙肉典祠啟飲福受胙

大樂作

典

祠典儀導王至香案前位典祠啟鞠躬拜興拜興平身

王鞠躬拜興拜興平身典祠啟跪搢圭王跪搢圭執事

捧爵東向跪進於王王受爵訖啟飲福酒王祭酒少許

飲福酒以爵置於坫執事官東向跪進胙於王王受胙  
以胙授左右左右西向跪受興典祠啓出圭啓俯伏興  
拜興拜興平身王俯伏興

大樂作

拜興拜興平身

樂止

典祠啓復位典祠典儀導王復位

徹豆 司禮唱徹豆掌祭官徹豆司禮唱賜胙典祠啟

王飲福受胙者免拜司禮唱陪祭官皆再拜司贊唱鞠

躬拜興拜興平身陪祭官皆鞠躬

大樂作

拜興拜興平

身

樂止

送神 司禮唱送神典祠啟鞠躬拜興拜興平身司禮

唱在位官皆再拜司贊唱鞠躬拜興拜興平身王與陪

祭官皆鞠躬

大樂作

拜興拜興平身

樂止

望燎 司禮唱望燎讀祝官取祝捧幣者取幣掌祭官

取饌詣燎所典祠啟詣望燎位

大樂作

典祠典儀導王

至望燎位

樂止

候燎半司禮唱可燎典祠啟禮畢導引

王還次引禮引陪祭官出

各府州縣祭風雲雷雨師儀

時日 春以驚蟄日秋用秋分日行事

齋戒 前三日三獻官散齋二日於別寢致齋一日於祭所執事人員齋各一日於祭所

陳設 前祭二日有司掃除壇上下設三獻官次於壇門外前一日執事者設省牲位於南門外設神位於壇上近北南向每位設籩四於神位之左豆四於神位之右簠簋各一於籩豆之間毛血豆於簠簋前俎二又於其前香燭案於俎前爵站沙池於香案之前祝版位於

神位之右設酒尊所於壇上東南隅犧尊一山罍一設幣篚位附於酒尊所設盥洗位於壇下之東爵洗位於盥洗位之北初獻位於壇下正中之南亞獻位於初獻位之左終獻位於初獻位之右稍後從祭官位於獻官之後引贊位於獻官之左右贊禮二人位於壇下之東讀祝位於神位之右掌祭二人位於神位之左右司尊司爵司洗捧幣位各於其所設望燎位於壇之西南

省牲 前祭一日執事者引三獻官至省牲位執事者

自門東牽牲東行過獻官前執事者告胙訖牽詣神厨  
獻官詣厨視鼎鑊滌漑訖遂烹牲以豆取毛血置於饌  
所

正祭奠幣 丑前五刻行事執事者入實尊罍盞豆簋  
簋登銅陳毛血豆祝版三獻官服公服簋祝版於次執  
事者各冠垂脚唐帽圓領白襴衫烏角帶各入就位引  
贊引獻官入就壇下拜位贊禮唱有司已具請行事贊  
禮唱鞠躬拜興拜興平身贊者唱奠幣引贊引初獻官

詣盥洗位搯笏盥手悅手出笏引詣風雲雷雨師神位  
前贊禮唱跪搯笏執事者以幣跪進於初獻之右初獻  
受幣奠於神位前訖稍後引贊唱俯伏興拜興拜興平  
身復位

初獻 贊禮唱行初獻禮引贊引獻官詣爵洗位搯笏  
受爵滌爵拭爵以爵授執事者出笏次引初獻自南陞  
升壇詣酒尊所搯笏受爵司尊者舉罍酌犧尊之緹齊  
以爵授執事者出笏引詣神位前北向立引贊唱跪搯

笏掌祭官捧香跪進於獻官之左引贊唱上香上香三  
上香初獻三上香訖執爵者捧爵跪進於初獻官之右  
受爵引贊唱祭酒祭酒三祭酒初獻三祭酒奠爵出笏  
讀祝官取祝版跪於神位之右讀訖引贊唱俯伏興拜  
興拜興平身

亞獻終獻其行事並與初獻同

惟不讀祝

飲福 贊禮唱飲福贊引引初獻官詣飲福位西向立  
掌祭者以爵酌福酒持詣獻官之左引贊唱鞠躬拜興



拜興平身初獻官再拜訖引贊唱跪搯笏初獻官跪搯  
笏掌祭舉福酒爵進於初獻之左初獻官受爵祭酒少  
許飲福酒奠爵掌祭官減神位前胙肉跪進於初獻之  
左初獻受胙以胙授執事者引贊唱出笏俯伏興拜興  
拜興平身初獻再拜訖引復位贊禮唱賜胙初獻官飲  
福受胙免拜在位者皆再拜唱鞠躬拜興拜興平身亞  
獻官以下皆鞠躬拜興拜興平身

望燎 贊禮唱詣望燎位引贊引初獻官以下詣望燎

位祝人取祝幣人取幣掌祭取饌置於燎所贊禮唱可  
燎東西面各一人舉炬火燔之柴半燎贊引唱禮畢引  
初獻官以下及諸從祭官以次出

明集禮卷十三

欽定四庫全書

明集禮卷十四

吉禮十四

專祀嶽鎮海瀆天下山川城隍

總序

嶽鎮海瀆之祀虞舜以四仲月巡狩而祭四嶽東嶽曰  
泰山四嶽之所宗也故又曰岱宗南嶽曰衡山西嶽曰  
華山北嶽曰恒山而未言五嶽王制曰天子祭天下名

山大川五嶽四瀆始有五嶽之稱蓋以中嶽嵩山並列也又周官小宗伯兆四望於四郊鄭玄謂四望為五嶽四鎮四瀆四瀆者江河淮濟四鎮者東曰沂山西曰岳山南曰會稽北曰醫無閭也詩序又曰巡狩而祀四岳河海則又有四海之祭焉蓋天子方望之事無所不通而嶽鎮海瀆在諸侯封內者諸侯亦各以其方祀之秦罷封建岳瀆皆領於祠官及漢復建諸侯則侯國各自祀其封內山川而天子無所預焉武帝時諸侯或分或

廢五嶽皆在天子之邦至宣帝時嶽瀆始有使者持節  
侍祠之禮矣由魏及隋嶽鎮海瀆皆即其地立祠命有  
司致祭唐宋之制則有命本界刺史縣令之祠又有因  
郊祀而望祭之祠又有遣使之祠焉元遣使祀嶽鎮海  
瀆分東南西北中為五道其天下山川之祀則虞書曰  
望于山川徧于羣臣周頌曰懷柔百神周官小宗伯兆  
山川邱陵墳衍各因其方王制凡山川之小者其祭秩  
視伯子男劉向謂山川能生物出雲雨施潤澤品類以

百數故視伯子男也其在諸侯封內者諸侯又自祭之如楚祭睢漳晉祭惡池齊祭配林是已及秦罷封建則皆領於天子之祠官焉由漢唐以及宋元嶽鎮海瀆之外皆有其餘山川之祀若其城隍之祀莫詳事始先儒謂既有社矣不應復有城隍故唐李陽冰縉雲城隍記謂祀典無之惟吳越有之爾然成都城隍祠太和中李德裕所建張說有祭荊州城隍文杜牧有祭黃州城隍文則不獨吳越為然又蕪湖城隍祠建於吳赤烏二年

高齊慕容儼梁武陵王祀城隍神皆書於史則又不獨唐而已宋以來其祀徧天下或錫廟額或頒封爵至或遷就附會各指一人以為神之姓名如鎮江慶元寧國太平華亭蕪湖等郡邑皆以為紀信隆興贛袁江吉建昌臨江南康皆以為灌嬰是也張說祭荊州城隍文曰致和產物助天育人張九齡祭洪州城隍文曰城池是保毗庶是依則前代崇祀之意有在矣國朝既於方丘以嶽鎮海瀆天下山川從祀復於春秋清明霜降日遣

官專祀嶽鎮海瀆天下山川於國城之南而以京師及天下城隍附祭焉至於外夷山川亦列祀典若國有祈禱則又遣使降香專祀於其本界之廟若夫山川之在王國城隍之在郡縣者則自以時致祭

封爵

周官天子祭天下名山大川五嶽視三公四瀆視諸侯夏傳云其餘山川視伯小者視子男謂視其牲幣粢盛簋豆爵獻之數以定隆殺輕重非有所尊卑而加之以



封爵也至唐武后垂拱四年始封嵩山為神嶽天中王  
通天元年又尊為皇帝神龍元年復為天中王先天二  
年封華嶽為金天王玄宗開元十一年封泰山神為天  
齊王禮秩加三公一等天寶五年封中嶽為中天王南  
嶽為司天王北嶽為安天王六年封河瀆為靈源公濟  
瀆為清源公江瀆為廣源公淮瀆為長源公十年封東  
海為廣德王南海為廣利王西海為廣潤王北海為廣  
澤王封沂山為安東公會稽山為永興公嶽山為成德

公霍山為應聖公醫巫閭山為廣寧公宋真宗大中祥符元年泰山天齊王加號仁聖進封河瀆為顯聖靈源公五年加號東嶽曰天齊仁聖帝南嶽曰司天昭聖帝西嶽曰金天順聖帝北嶽曰安天元聖帝中嶽曰中天崇聖帝遣使充奉冊使奉玉冊袞冕詣五嶽祭告又加號東嶽淑明后南嶽景明后北嶽靖明后中嶽正明后仁宗康定二年加封東海為淵聖南海為洪聖西海為通聖北海為冲聖江瀆為廣源王河瀆為靈源王淮瀆

為長源王濟瀆為清源王慶歷二年增封南海神為洪  
聖廣利昭順王神宗元豐八年始封西鎮吳山為成德  
王徽宗大觀四年加東海以助順之號高宗紹興三十  
一年加封江瀆昭靈孚應威烈廣源王元世祖至元二  
十八年加封東嶽曰大生南嶽曰大化西嶽曰大利北  
嶽曰大貞中嶽曰大寧加封江瀆為順濟河瀆為弘濟  
淮瀆曰溥濟濟瀆曰善濟東海為廣德靈會王南海為  
廣利靈孚王西海為廣潤靈通王北海為廣澤靈祐王

成宗大德二年加封東鎮沂山為元德東安王南鎮會稽山為昭德順應王西鎮吳山為成德永靖王北鎮醫巫閭山為真德廣寧王中鎮霍山為崇德應靈王其餘山川之封號則唐武后垂拱四年封洛水神為顯聖侯玄宗天寶中封昭應山為玄德公太白山為神應公文宗開成二年封洛南山為廣惠公僖宗乾寧五年封少華山為佑順侯昭宗天佑二年封洞庭湖君為利涉侯青草湖君為安流侯宋真宗大中祥符元年封泰山通

泉廟為吳派侯亭亭廟為廣禪侯鄒嶧山為靈巖侯徽  
宗大觀二年封樂山為仁勇公紹興二年封梓潼山為  
英顯武烈忠佑廣濟王元至大三年封樂山為宗澤仁  
勇公皇慶年間封梓潼山為英顯武烈忠惠靈濟王馬  
鞍山為衍慶顯佑昭德靈感王延祐二年封麗陽山為  
仁文神武廣佑忠聖王延祐五年封太白山為康衛惠  
濟王至治二年封新羅山為忠義靈濟威惠廣佑王至  
治二年封昭亭山為靈應忠烈顯正福佑廣惠王至治

三年封韓山為明德奕應侯泰定元年封蒙山為嘉惠  
昭應王濛村河為善佑淵聖廣源王常山電泉神為廣  
惠靈濟昭烈王封洛川為昭應顯佑仁濟公若其城隍  
之封則後唐清泰元年嘗封臨安府城隍為順義保寧  
王宋封顯正康濟王號永固廟梁封紹興府城隍為崇  
福侯清泰封興德保闔王宋封昭順靈濟孚祐忠應王  
大抵城隍封爵至宋幾徧天下矣不能悉舉也元封燕  
京城隍為護國王至治中嘗加封溧水城隍為靈佑廣

惠侯國朝初循舊制嘗封城隍京都為承天鑒國司民  
統神昇福大帝各府為鑒察司民城隍威靈公各州為  
鑒察司民城隍靈祐侯各縣為鑒察司民城隍顯祐伯  
其山川之神亦因守臣之請間有封者洪武三年五月  
上出睿斷遠稽古禮降詔曰自有元失馭羣雄鼎沸土  
宇分裂聲教不同朕奮起布衣以安民為念訓將練兵  
平定華夷大統以正永惟為治之道必本於禮考諸祀  
典知五嶽五鎮四海四瀆之封起自唐世崇名美號歷

代有加在朕思之則有不然夫嶽鎮海瀆皆高山廣水  
自天地開闢以至於今英靈之氣萃而為神必皆受命  
於上帝幽微莫測豈國家封號之所可加瀆禮不經莫  
此為甚至如忠臣烈士亦依當時初封以為實號後世  
溢美之稱皆與革去其孔子善明先王之要道為天下  
師以濟後世非有功於一方一時者可比所有封爵宜  
仍其舊庶幾神人之際名正言順於理為當用稱朕以  
禮祀神之意所有定到各各神號五嶽稱東嶽泰山之



神南嶽衡山之神中嶽嵩山之神西嶽華山之神北嶽  
恒山之神五鎮稱東鎮沂山之神南鎮會稽山之神中  
鎮霍山之神西鎮吳山之神北鎮醫巫閭山之神四海  
稱東海之神南海之神西海之神北海之神四瀆稱東  
瀆大淮之神南瀆大江之神西瀆大河之神北瀆大濟  
之神各處府州縣城隍稱某府某州某縣城隍之神歷  
代忠臣烈士並依當時初封名爵稱之天下神祠無功  
於民不應祀典者即係淫祀有司毋得致祭於戲明則

有禮樂幽則有鬼神其理既同其分當正故茲詔示咸  
使聞知遂遣使頒諭天下且刻石於各廟可謂一洗千  
古之陋者矣

祭所

周官小宗伯兆四望於四郊兆謂壇之營域也秦自嶠  
以東所祠者其山則嵩山恒山泰山會稽其川則濟淮  
自華以西所祠者其山則華山嶽山河祠於臨晉江水  
祠於蜀漢祖亦祠河於臨晉武帝祠中嶽太室又禮瀟

之天柱山號曰南嶽宣帝以四時祠江海祠東嶽泰山  
於博中嶽太室於嵩山南嶽瀟山於瀟西嶽華山於華  
陰北嶽恒山於上曲陽河於臨晉江於江都淮於平氏  
濟於臨邑界中光武祀北郊祀地祇從祀中嶽在未四  
岳各在其方孟辰之地在中營內海在東四瀆河在西  
濟在北淮在東在外營內魏祀五嶽四瀆晉立北郊於  
覆舟山五嶽四望四海四瀆皆從祀梁令郡國有五嶽  
者置宰祀三人及祀海瀆之應祀者後魏立五嶽四瀆

廟於桑乾水之陰春秋遣有司致祭隋祀四鎮并冀州  
鎮霍山俱就山立祠祀東海於會稽縣界南海南鎮俱  
近海立祠四瀆亦如之唐制嶽鎮海瀆既皆從祀方丘  
又每年以五郊迎氣日祭之於本界東嶽岱山祭於兗  
州東鎮沂山祭於沂州東海於萊州東瀆大淮於唐州  
南嶽衡山於衡州南鎮會稽山於越州南海於廣州南  
瀆大江於益州中嶽嵩山於雒州西嶽華山於華州西  
鎮吳山於隴州西海及西瀆大河於同州北嶽恒山於

定州北鎮醫巫閭山於均州北海及北瀆大濟於洺州  
皆命本界都督刺史行事開元天寶又遣使分祭之宋  
制祭東嶽於兗州西嶽於華州北嶽於定州南嶽於衡  
州中嶽於河南府東鎮於沂州南鎮於越州西鎮於隴  
州中鎮於晉州東海於萊州南海於廣州西海河瀆並  
於河中府北海濟瀆並於孟州淮瀆於唐州江瀆於成  
都府遥祭北鎮醫巫閭山於定州北嶽祠各以本縣令  
尉兼廟令丞專掌其事真宗景德中加五嶽帝號遣使

即其廟祀之神宗元豐中建四望壇於四郊望祀嶽鎮海瀆每方嶽鎮共一壇海瀆共一坎元遣使致祭皆就嶽鎮海瀆之廟國朝既於國城南建祠合祀嶽鎮海瀆山川城隍若遣使致祭則各就嶽鎮海瀆之廟自如故事云

瘞坎

周官大宗伯以血祭祭五嶽以貍沉祭山林川澤說者謂牲幣之物山林則貍之川澤則沉之所以順其性之

舍藏以通信於神明也魏文帝黃初三年禮五嶽四瀆  
咸秩羣祀沉瘞圭璋唐祀嶽鎮海瀆為瘞坎於壇之壬  
地方深取足容物海瀆則坎內為壇高丈四尺皆為陛  
又於瘞坎之東北設獻官望瘞位祭海瀆則無望瘞之  
禮祭畢取牲幣饌物置於坎置土半坎祭海瀆則以幣  
血沉之宋神宗元豐三年建四望壇於四郊皆用血祭  
瘞埋元遣使祀嶽瀆海鎮無瘞坎之禮國朝嶽鎮海瀆  
祭畢其祝幣牲饌嶽鎮則瘞之於坎海瀆則沉之於水

其國南羣祀壇則並置於瘞坎

祝版

周禮太祝國將有事於四望則前祝秦漢皆設太祝以主嶽瀆山川之祀唐開元禮其祝版並署御名先享祭日附驛發遣其製長二尺四寸闊一尺二寸闊厚一分用楸梓木其文曰嗣天子某謹遣某官某敢昭告於某神東嶽曰惟神贊養萬品作鎮一方式因春始

南嶽云夏始中

嶽云季夏西嶽云秋始北嶽云冬始

謹以玉幣犧齊粢盛庶品朝薦於東



嶽宗

南嶽衡山中嶽嵩山西嶽華山北嶽恒山祝文並同

尚享東瀆大淮曰惟

神源流深潛泌潤溥洽阜成百穀䟽滌三川青春伊始

用遵典秩南瀆大江曰惟神總合大川朝宗巨海功昭

順化德表靈長敬用夏首修其常典西瀆大河曰惟神

上通雲漢光啓圖書分道九枝旁潤千里素秋戒序用

率常典北瀆大濟曰惟神泉源清潔浸彼遐邇播通四

海作紀一方玄冬肇節聿修典制

首尾並同

宋太宗至道元

年分祀五嶽故事御書祝版翰林學士王禹偁上言准

禮五嶽視三公今雖加王爵亦同人臣而天子稱名恐非古制太宗曰昔唐德宗猶拜風雨况舊制素定豈可廢也朕為萬民祈福桑林之禱猶無所憚至於書名又何損乎真宗大中祥符三年太常禮儀院請五嶽祭告祝版祭畢焚於廟所從之元遣使祀名山大川祝文曰天子謹遣臣某官而不稱名國朝親祀祝文自署御名遣官代祀祝文稱嗣天子某謹遣臣某官姓名敢昭告於東嶽泰山之神惟神磅礴英靈參贊化育位於東方

為嶽之首及出膚寸之雲不崇朝而雨天下有滋稼苗  
民賴以生功被於世歷代帝王咸敦祀典或躬臨而奉  
祭或遣使以伸忱朕允膺天命肇造丕基禮宜親臨致  
祀今國治未周新附未撫或居以圖治或出而視師是  
用命使以表朕衷惟神鑒焉尚享西嶽曰惟神氣應金  
方靈鍾允位奠於西極屹立巍巍長物養民功被於世  
歷代云云同前南嶽曰惟神祝融諸峰奠彼南服崇高  
下並同峻極德配離明長物養民功被於世北嶽曰惟神鎮并

臨代峙立朔方終始陰陽著世悠久養民阜物功被寰  
中中嶽曰惟神嵩高攸宅表此中區四嶽攸宗羣山環  
拱養民育物功被寰中東海曰惟神百川朝宗涵育深

廣靈鍾坎德潤衍震宗滋物養民功被於世歷代

云云  
同前

下並  
同

西海曰惟神灝靈所鍾道里遼邈坎德深廣衍潤

允方滋物養民功被於世南海曰惟神環茲粵壤物鉅  
靈鍾坎德深大離明斯配潤物養民功被於世北海曰  
惟神玄冥攸司遐遠莫即鍾靈坎德奠位陰方潤物養

民功被於世江瀆曰惟神岷蜀發源浩渺萬里朝宗于海坎德靈長潤物養民澤被於世歷代

云云同前下並同

河瀆

曰惟神發源崑崙亘絡中土配精天漢坎德靈長潤物養民澤被於世淮瀆曰惟神源深桐柏演迤楚甸出雲致雨潤物養民坎德靈長澤被於世濟瀆曰惟神沉浸覃懷功配三瀆流澄蕩濁潤物養民坎德靈長澤被於世東鎮曰惟神鎮彼瑯琊羣山所仰宣澤布氣育秀鍾靈生物養民功被於世歷代

云云同前下鎮並同

西鎮曰惟神作

鎮汧陽羣山所仰宣澤布氣育秀鍾靈生物養民功被  
於世南鎮曰惟神作鎮會稽羣山所仰宣澤布氣育秀  
鍾靈阜物養民功被於世北鎮曰惟神鎮彼平營羣山  
所仰宣澤布氣育秀鍾靈阜物養民功被於世中鎮曰  
惟神鎮彼霍邑三晉所瞻育秀暢靈奠茲中土生殖庶  
物功被寰宇洪武三年正月專遣使致祭於外夷山川  
其安南祝文曰惟神磅礴深廣流峙西南靈秀所鍾福  
庇一方使其國君世保境土當歷代中國帝王之興即

能慕義歸化得免兵戈靖安民庶神功為大朕本布衣  
因四方雲擾廓清羣雄混一天下以承正統皆賴天地  
神明而至於此自臨御以來海嶽鎮瀆俱已致祭邇者  
安南奉表稱臣考之典禮天子於山川之祀無所不通  
故特遣使以牲幣之祭往答神靈尚饗其高麗祝文曰  
高麗為國奠於海東山勢磅礴水德汪洋實皆靈氣所  
鍾故能使境土安寧國君世享富貴尊慕中國以保生  
民神功為大朕起自布衣今混一天下以承正統比者

高麗奉表稱臣朕嘉其誠已封王爵考之古典天子於山川之祀無所不通是用遣使敬將牲帛脩其祀事以答神靈惟神鑒之尚饗其占城祝文曰惟神靈秀磅礴源流深廣以濟民物保安海邦使其國君世守境土尊附中國其功多矣朕起自布衣仰荷天地眷祐混一疆宇以承正統邇者占城奉表稱臣考之典禮天子於天下山川之祀無所不通故特遣使以牲幣之祭往答神靈惟神鑒之尚饗五月降詔嶽鎮海濱復遣使代祀其



祝文曰維洪武三年歲次庚戌六月戊午朔越二十二  
日己卯某官臣某今蒙中書省點差欽賫祀文致祭於  
東嶽泰山之神皇帝制曰磅礴東海之西中國之東參  
穹靈秀生同天地形勢巍然古昔帝王登之觀滄海察  
地利以安生民故祀曰泰山於敬則誠於禮則宜自唐  
始加神之封號歷代相因至今曩者元君失馭海內鼎  
沸生民塗炭予起布衣承上天后土之命百神陰佑削  
平暴亂正位稱尊職當奉天地享鬼神以依時統一人

民法當式古今寰宇既清特修祀儀因神有歷代之封  
號予起寒微詳之再三畏不敢效蓋神與穹壤同始靈  
鎮東方其來不知歲月幾何神之所以靈人莫能測其  
職必受命於上天后土為人君者何敢預焉予懼不敢  
加號特以東嶽泰山名其名依時祀神惟神鑒知尚饗  
南嶽中嶽西嶽北嶽祝文並同其東鎮祝文曰屹立沂  
州作鎮東方生同天地形勢巍然古先帝王察地利以  
安生民故祀之曰沂山於敬則誠於禮則宜自唐始加

神之封號歷代相因至今曩者元君失馭海內鼎沸生  
民塗炭予起布衣承上天后土之命百神陰祐削平暴  
亂正位稱尊職當奉天地享鬼神以依時統一人民法  
當式古今寰宇既清特修祀儀因神有歷代之封號予  
起寒微詳之再三畏不敢效蓋神與穹壤同始靈鎮東  
方其來不知歲月幾何神之所以靈人莫能測其職必  
受命於上天后土為人君者何敢預焉予懼不敢加號  
特以東鎮沂山名其依時祀神惟神鑒知尚饗其起

句南鎮則曰屹立會稽作鎮南方中鎮則曰屹立霍州  
作鎮中央西鎮則曰屹立隴州作鎮西方北鎮則曰屹  
立營州作鎮北方

餘並同  
東鎮

其東海祝文曰生同天地浩

瀚之勢既雄深淺之處莫測古昔人君名之曰海神而  
祀之於敬則誠於禮則宜自唐以及近代皆加以封號  
予因元君失馭四方鼎沸起自布衣承上天后土之祐  
百神之助削平暴亂以主中國職當奉天地享鬼神以  
依時式古法以治民今寰宇既清特修祀儀因神有歷

代之封號予起寒微詳之再三畏不敢効蓋觀神之所  
以生與穹壤同立於世其來不知歲月幾何凡施為造  
化人莫可知其職必受命於上天后土為人君者何敢  
預焉予懼不敢加號特以東海名其名依時祭祀神其  
鑒知尚饗

南海西海北海文並同

其東瀆大淮祝文曰源始桐柏

潔而東逝納諸川以歸海古者人君尊曰淮瀆之神未  
嘗加號於敬則誠於禮則宜自唐始加神之封號歷代  
相因至今曩者元君失馭海內鼎沸予起布衣承上天

后土之命百神陰祐削平暴亂正位稱尊職當奉天地  
享鬼神以依時統一人民法宜式古今寰宇既清特修  
祀儀因神有歷代之封號予起寒微詳之再三畏不敢  
効蓋神與穹壤同始其來不知歲月幾何神之所以靈  
人莫能知其造化必受命於上天后土為人君者何敢  
預焉予懼不敢加號特以東瀆大淮名其名依時祀神  
惟神鑒知尚饗其南瀆則曰源於岷山生同天地廣納  
諸川東逝於海古者人君尊曰江瀆之神

餘文並同東鎮其西

瀆則曰源於崑崙其行也屈曲其激也有聲於山不徒  
於平壤則流蕩洶湧莫測自有天地則有之古之人君  
尊曰河瀆之神

餘文並  
同東鎮

其北瀆則曰源始王屋伏流而

出潔異衆水古者人君尊曰濟瀆之神

餘文並  
同東鎮

### 代祀嶽鎮海瀆碑文

洪武二年春正月四日羣臣來朝皇帝若曰朕自起義  
臨濠率衆渡江宅於金陵每獲城池必祭其境內山川  
於今十有五年罔敢或怠邇者命將出師中原底平嶽

鎮海瀆悉在封域朕託天地祖宗之靈武功之成雖藉人力然山川之神默實相予自古帝王之有天下莫不禮秩尊崇朕曷敢違於是親選敦朴廉潔之臣賜以衣冠俾齋沐端竦以俟遂以十月五日授祝幣而遣焉臣某承詔將事惟謹某月某日祭於祠下威靈歆格祀事孔明礮石鐫文用垂悠久惟神收藏萬類奠於東方南

北隨方  
改用

典禮既崇綱維斯在尚期陰陽以和風雨以時

物不疵癘民庶乂安是我聖天子之所望於神明者而



亦神明助我邦家之靈驗也

代祀外夷山川碑文

洪武三年春正月三日癸巳皇帝御奉天殿受羣臣朝  
乃言曰朕賴天地祖宗眷佑位於臣民之上郊廟社稷  
以及嶽鎮海瀆之祭不敢不恭邇者占城

安南高麗並同

遣使

奉表稱臣朕已封其王為占城國王

安南高麗同

則其國之

境內山川既歸職方考諸古典天子望祭雖無不通然  
未聞行實禮達其境者今當具牲幣遣朝天宮道士某

人前往用答神靈禮部尚書崔亮欽承上旨惟謹乃諭  
臣某致其誠潔以俟於是上齋戒七日親為祝文至十  
日庚子上臨朝以香授臣某將命而行臣某以某月某  
日至其國設壇城南某月某日敬行祀事於某國某山  
及諸山之神某水及諸水之神禮用告成臣某聞帝王  
之勤民者必致敬於神欽惟皇上受天明命丕承正統  
四海內外悉皆臣屬恩與普天之下共享昇平之治故  
遣臣某致祭於神神既歆格必能庇其國王世保境土

使風雨以時年穀豐登民庶得以靖安庶昭聖天子一  
視同仁之意是用刻文於石以垂示永久臣某謹記某  
國王臣某陪臣某官某

祭器

周官凡山川用蜃尊說者謂畫為蜃尊乃漆尊也宋大  
明中器用陶匏不用蜃同郊祀禮以爵獻唐祀嶽鎮海  
瀆用尊六簋十豆十簠二簋二俎二宋祀嶽鎮海瀆酌  
尊用犧尊四象尊四祀山林川澤酌尊用犧尊三設尊

並用大尊二山尊二著尊二象尊二壺尊六嶽鎮海瀆  
用籩十豆十簋二簋二盤一登二鉶二山林川澤用籩  
八豆八簋一簋一盤一元遣使祭嶽瀆海鎮禮器無文  
國朝合祭嶽鎮海瀆天下山川城隍及遣使分祀每壇  
各尊三籩八豆八簋二簋二登二州縣祀本境山川則  
尊二籩二豆二簋一簋一

玉幣

周官典瑞璋邸射以祀山川半圭曰璋邸本也射謂剡

而上出禮神之玉也杜氏通典曰其幣各隨方色秦漢  
祀嶽瀆皆有珪幣魏用珪璋南宋祭霍山用赤璋纁幣  
唐祀嶽鎮海瀆玉用兩圭有邸幣隨方色宋用唐制元  
祀嶽鎮海瀆不用玉幣每歲遣使奉祠銀香合一重二  
十五兩五嶽組金旛二鈔五百貫四瀆織金旛二鈔二  
百五十貫四海五鎮銷金旛二鈔二百五十貫天歷中  
香合加作銀五十兩國朝望祀用幣不用玉諸王同遣  
使奉祠嶽鎮海瀆各降真香一炷沉香一合金香合一

共一斤黃紵絲幡一對幣帛一段長丈有八尺銀三十  
五兩其外夷山川則高麗幡用青安南占城幡用紅餘  
並同嶽鎮海瀆

牲

周官牧人望祀牲用少牢各隨方色秦祀嶽瀆用牛犢  
各一牢具漢興因之光武中元初祀五嶽共牛一頭海  
與四瀆共一頭宋孝武祭霍山牲用太牢羞用酒脯唐  
制五嶽四瀆四鎮四海牲皆用太牢謂牛羊豕也宋用

羊豕各一口元遣使致祭嶽瀆鎮海皆用少牢國朝合祭嶽鎮海瀆山川各用犢一羊一豕一遣使代祀各廟並同州縣祭本境山川城隍用羊一豕一

### 酒齊

唐犧尊實醴齊象尊實盎齊山罍實清酒宋犧尊實泛齊象尊實醴齊壺尊實事酒設尊並設五齊三酒國朝合祭嶽鎮海瀆天下山川城隍及遣使代祀犧尊實醴齊象尊實沉齊山罍實事酒州縣祭本境山川則象尊

實緹齊壺尊實事酒

樂盛

唐祀嶽鎮海瀆簠簋以黍稷簠簋以稻粱宋祀嶽鎮海瀆簠簋以黍稷簠簋以稻粱祀山川簠簋以黍稷簠簋以稷國朝合祭嶽鎮海瀆天下山川城隍及遣使分祀並如宋制其州縣祭本境山川簠簋以稷簠簋以粱

籩豆之實

唐祀嶽鎮海瀆籩簋以石鹽乾魚乾棗栗黃榛子仁菱



仁芡仁鹿脯白餅黑餅豆以韭菹醢醢菁菹鹿醢芹菹  
兔醢筍菹魚醢脾析菹豚拍宋祀嶽鎮海瀆同唐制祀  
山林川澤則邊減白餅黑餅豆減脾析菹豚拍國朝合  
祭嶽鎮海瀆於國城之南及每歲遣使分祀各廟並邊  
實以石鹽魚鮓棗栗榛菱芡脯豆實以韭菹醢醢菁菹  
鹿醢芹菹兔醢筍菹魚醢州縣祭本境山川則邊實以  
栗脯豆實以葵菹鹿醢

樂

周官大司樂奏姑洗歌南呂舞大磬以祀四望四望者  
五嶽四鎮四瀆也漢唐祭嶽鎮海瀆及遣使徧祀皆無  
用樂之文宋仁宗時祠南海神廟有樂曲禮官謂南海  
據令為中祠宜如嶽瀆諸祠不用樂遂罷之徽宗政和  
五年用知廬州朱維言五嶽四瀆庇福一方生民受惠  
宜不在風雨雷師之下而祀不用樂乞依社稷例用大  
樂仍撰合用樂章行下嶽瀆所在州縣致祭從之元遣  
使歲祀祇用教坊樂國朝望祀用雅樂諸王祭本國山

川則用大樂遣使代祀不用樂

祭服

周禮司服王祠四望則毳冕秦漢服俱衮玄唐制凡祭  
嶽鎮海瀆獻官各服其服三品毳冕四品繡冕五品玄  
冕六品以下爵弁若二服以下各依令有司三獻及太  
祝奉禮俱服祭服元遣使致祭嶽瀆海鎮則州縣官具  
公服陪祠國朝遣官攝祀並用公服



專祀地祇壇位

明集禮卷十四 三十六

鎮山之神
兩淮山之神
江西山之神
山東山之神
河南山之神
北平山之神
廣東山之神
濟南海岱山之神
京都城隍之神
各府城隍之神

四海之神
五嶽之神
五鎮之神
四瀆之神

江東川之神
兩浙川之神
湖廣荆襄山之神
山西川之神
陝西川之神
福建川之神
廣西川之神
左徧江山之神
右徧麗臺川之神

專祀地祇壇二十四位每位陳設圖

明集禮卷十四 二十七

榛

菱

芡

鹿脯

鹽

鱖魚

棗

栗

稷

梁

肉羹

牲

燭

神位

幣

牲

香案

爵站

沙池

黍

稻

大羹

牲

燭

祝

韭醢

醯醢

菁醢

鹿醢

芹醢

兔醢

荀醢

魚醢

搏搏歌工歌工歌工歌工歌工

協律郎

祝

琴琴琴琴琴瑟瑟

鐘

笛笛簫簫塤塤

和笙和笙簫簫鳳笙鳳笙

麈尾

協律郎

歌

瑟瑟琴琴琴琴琴

磬

塤塤簫簫笛笛

鳳笙鳳笙簫簫和笙和笙





專祀地祇壇諸神樂章

迎神

保和之曲

吉日良辰祀典式陳惟地之祇百靈繽紛嶽鎮海瀆山

黃林姑黃姑林南林

闕

黃南姑林太

川城隍內而中國外及四方濯濯厥靈昭鑒我心以候

黃南林黃太姑太林太南黃姑黃太姑黃南姑林林姑

以迎來格來歆

黃太南林姑南

奠幣

安和之曲

靈旗泣止有赫其威一念潛通幽明弗違有幣在籬物  
林黃太姑姑林南林南林姑太林太南黃南黃南姑姑  
薄而微神兮安留尚其享之

林南林南林姑太黃太姑林

初獻

中和之曲

神兮我留有薦必受享祀之初奠茲醴酒晨光初升祥  
夾黃太夾林南林太太林南林夾林夾黃太黃南林黃

徵應候何以侑觴樂陳雅奏

南夾林夾黃太夾南黃林夾

亞獻

肅和之曲

我祀維何奉茲犧牲爰酌醴齊貳觴載升洋洋如在式  
黃林姑黃姑林南林南林黃太林太南黃黃南林姑黃  
燕以寧庶表微衷交於神明

南姑林黃太姑太南林姑黃

終獻

凝和之曲

執事有嚴品物斯祭黍稷非馨式將其意薦茲酒醴成  
太黃太姑林夷林太仲林夷林太林姑黃太黃太姑黃  
我常祀神其顧歆永言樂只

夷林太林黃太姑林夷林太

徹豆

壽和之曲

春祈秋報率為我民我民之生賴於爾神維神祐之康  
黃林姑黃黃南姑林黃太姑太林太南黃黃南姑林姑  
寧是臻祭祀云畢神其樂歆

太南黃姑林南林南林姑黃

送神

豫和之曲

三獻禮終九成樂作神人以和既燕且樂雲車風馭靈  
林黃太姑林南林太黃南黃姑林太南黃黃南林姑黃  
光昭灼瞻望以思邈彼寥廓

林南林林姑黃太姑林南林

望瘞

熙和之曲

俎豆既徹禮樂已終神之云還脩將焉從以望以瘞庶

黃太姑林林南黃太黃南林姑姑林姑黃黃南黃姑林  
幾感通時和歲豐維神之功

太南黃林姑黃太南林姑黃

降香遣官祀嶽鎮海瀆天下山川城隍儀注

時日 春以清明日秋以霜降日行事

齋戒

皇帝散齋二日致齋一日獻官

以省臺官充

及各執

事官俱散齋二日致齋一日

降香 前祀一日清晨有司立仗百官具公服侍班皇

帝服皮弁服陞奉天殿捧香授獻官獻官捧由中陞降中道出至午門外置龍亭內儀仗鼓吹導引至祭所

陳設 前祀一日有司陳設如圖儀

省牲 前祀一日獻官公服詣壇東省牲贊禮引至省牲位執事者牽牲畜訖詣神厨視鼎鑊視滌濯畢遂烹牲

正祭 祭日清晨執事者入實尊壘簋盞豆牲俎并陳毛血豆於神位前列篚幣於酒尊所贊引引獻官及

應祀官各入就位

迎神

贊禮唱迎神協律郎舉麾奏

闕

之曲執事者

以毛血瘞於坎

樂

闕

成止

贊禮唱有司已具請行禮唱

鞠躬拜興拜興平身獻官及在位者皆鞠躬拜興拜興

平身

樂止

復位

奠幣

贊禮唱奠幣贊引引獻官詣盥洗位搢笏盥手

帨手出笏詣五嶽神位前協律郎奏

闕

之曲贊禮唱

跪獻官北向跪搢笏三上香執事者捧幣東向跪授獻



官獻官受幣贊禮唱奠幣獻官興奠幣於神位前贊禮

唱鞠躬拜興拜興平身次詣五鎮神位前

奠幣如上儀訖

次詣

四海四瀆鍾山江東兩淮兩浙江西湖廣山東山西河南陝西北平福建廣東廣西海南海北左右兩江山川之神并京都各府城隍外夷山川之神皆以次自左而右逐位上香奠幣皆如五嶽神位前之儀奠訖

樂止復

位

進俎 贊禮唱進俎執事者舉俎升階協律郎跪俛伏

舉麾奏

闕

之曲贊禮引獻官至五嶽神位前揖笏以

俎奠於神位前訖出笏

以下二十一位進俎皆同

初獻 贊禮唱行初獻禮贊引引獻官詣爵洗位揖笏

滌爵拭爵以爵授執事者

以下二十一位爵其滌拭授皆同

詣酒尊所

司尊者舉冪執爵者以爵進酌醴齊以爵授執事者

以下

二十一位進爵酌醴授執事皆同

出笏贊禮唱引詣五嶽神位前協律

郎舉麾奏

闕

之曲武功之舞贊禮引至神位前跪揖

笏三上香三祭酒奠爵出笏俯伏興平身少退鞠躬拜

興拜興平身次詣五鎮以下二十一位其 upper 香祭酒退

拜皆如上儀拜畢

樂舞止

贊禮唱讀祝獻官跪讀祝官

取祝版於神右跪讀畢

樂舞作

贊禮唱俯伏興平身稍

後鞠躬拜興拜興平身

樂舞止

亞獻終獻並如初獻儀

惟不讀祝

飲福受胙

贊禮唱飲福受胙贊引引獻官詣飲福位

鞠躬拜興拜興平身稍前跪搯笏進爵祭酒飲福酒以

爵復於坫奉俎者進俎獻官受俎以俎授執事者出笏

俯伏興平身鞠躬拜興拜興平身復位

徹豆 贊禮唱徹豆掌祭官徹豆贊禮唱賜胙傳贊唱

已飲福受胙者不拜在位官皆再拜鞠躬拜興拜興平身

送神 贊禮唱送神協律郎舉麾奏

闕

之曲贊禮唱

鞠躬拜興拜興平身獻官以下皆再拜祝人取祝幣人取幣詣望座位

望座 贊禮唱望座贊引引獻官詣望座位執事者以

祝版幣饌置於坎贊禮唱可燎執事者舉炬火燔至半東西面各二人以土置於坎贊禮唱禮畢獻官以下各以次退

諸侯王祭封內山川

三代命祀祭不越望故諸侯祭名山大川之在其地者如魯人祭泰山晉人祭河楚人祭江漢睢漳是也苟不在其封內者則不敢以祭漢文帝時名山大川在諸侯封內者其國各自奉祠隋唐宋元郡不封建故缺其禮

國朝封建諸皇太子為王始得各祭其國內山川一遵  
周漢故事云

祝文

洪武三年 月皇帝制曰朕以一身渡江始立太平郡  
次駐金陵於今十有六年枝葉茂盛子孫十有一人已  
命長子為皇太子其餘幼者於今年四月初七日皆封  
以王爵第二子某建國於秦國內山川之祀王實主之  
因其年幼未能往祭欲令作詞以奉神其詞必非已出

然久不告神朕心甚憊今朕以詞實告遣使賫香幣陳  
牲醴特伸祭告惟神鑒知尚饗

其晉燕趙吳楚潭齊魯靖江九國制文同

秦

國則西嶽華山之神及諸山之神西瀆大河之神及諸  
水之神晉國則中鎮霍山之神及諸山之神汾水之神  
及諸水之神燕國則北鎮醫巫閭山之神及諸山之神  
易水之神及諸水之神趙國則北嶽恒山之神及諸山  
之神滹沱河之神及諸水之神吳國則南鎮會稽山之  
神及諸山之神浙江之神及諸水之神楚國則大別山

之神及諸山之神江漢水之神及諸水之神潭國則南  
嶽衡山之神及諸山之神洞庭水之神及諸水之神齊  
國則東嶽泰山之神及諸山之神東海之神及諸水之  
神魯國則嶧山之神及諸山之神沂水之神及諸水之  
神靖江則舜山之神及諸山之神濰江之神及諸水之  
神

王國祭山川壇儀

齋戒  
前期王散齋二日於別殿王相府官於正寢王



致齋一日於正殿王相府官於公廨

省牲 先祭二日執事設王次於廟壇南門外道之東南向先祭一日典儀典祠導王至次執事者各執事典儀典祠導王至省牲位執事者自東牽牲西行過王前省訖執事牽牲詣神厨典儀典祠導王詣神厨視鼎鑊視滌濯訖典儀典祠導王還次

陳設 先祭一日典祠依圖陳設

正祭 祭日清晨典祠率執事者各實尊罍簋豆

登銅置籩幣於案祝版於諸神位之右大樂入就位諸  
執事及陪祭官入就位典祠啟王服遠遊冠絳紗袍典  
祠典儀導王至位北向立典祠典儀分左右立於王之  
前

迎神

司禮唱迎神

大樂作

司禮唱請行禮典祠啟有

司謹具請行事啟鞠躬拜興拜興平身司禮唱在位官  
再拜司贊唱鞠躬拜興拜興平身王與在位官皆鞠躬  
拜興拜興平身

大樂止

奠幣初獻 司禮唱奠幣行初獻禮典祠啟詣盥洗位

大樂作

典儀典祠導王至盥洗位

大樂止

典祠啟搢圭

王搢圭典祠啟盥手司盥洗者酌水王盥手訖司巾者以巾進典祠啟悅手王悅手訖典祠啟出圭王出圭典祠啟詣爵洗位典祠典儀導王至爵洗位典祠啟搢圭王搢圭執爵官以爵進典祠啟受爵王受爵典祠啟滌爵司爵洗者酌水王滌爵訖典祠啟拭爵司巾者以巾進王拭爵典祠啟以爵授執事者王以爵授執爵官典

祠啓出圭王出圭啓詣山川神位前

大樂作

典祠典儀

導王至神位前

樂止

奉爵奉幣者前行典祠啓跪王跪

掌祭詣案取香跪進於王之左典祠啓搯圭王搯圭啓

上香上香三上香王三上香訖奉幣者捧幣跪進於王

之右王受幣奠於神位前奉爵者捧爵跪進於王之右

王受爵典祠啓祭酒祭酒三祭酒奠爵王三祭酒奠爵

訖典祠啓出圭王出圭讀祝官取祝跪讀於神位之右

讀畢復以祝置於案典祠啓俯伏興拜興拜興平身王

俯伏興

大樂作

拜興拜興平身

樂止

典祠啓復位典祠

典儀導王復位

亞獻

司禮唱行亞獻禮典祠啓行亞獻禮掌祭官於

神位前爵內斟酒典祠啓鞠躬拜興拜興平身王鞠躬

大樂作

拜興拜興平身

樂止

終獻如亞獻之儀

飲福受胙

司禮唱飲福受胙執事舉香案置於王拜

位前執事酌福酒舉胙肉典祠啓飲福受胙

大樂作

典

祠典儀導王至香案前位典祠啓鞠躬拜興拜興平身  
王鞠躬拜興拜興平身典祠啓跪搢圭王跪搢圭執事  
捧爵東向跪進於王受爵訖啓飲福酒王祭酒少許飲  
福酒以爵置於北執事官東向跪進胙於王王受胙以  
胙受左右左右西向跪受興典祠啓出圭王出圭啓俯  
伏興拜興拜興平身王俯伏興大樂作拜興拜興平身  
樂止典祠啓復位典祠典儀導王復位

徹豆司禮唱徹豆掌祭官徹豆司禮唱賜胙典祠啓

王飲福受胙者免拜司禮唱陪祭官皆再拜司贊唱鞠躬拜興拜興平身陪祭官皆鞠躬

大樂作

拜興拜興平

身樂止

送神司禮唱送神典祠啓鞠躬拜興拜興平身司禮

唱在位官皆再拜司贊唱鞠躬拜興拜興平身王與陪

祭官皆鞠躬

大樂作

拜興拜興平身

樂止

望燎司禮唱望燎讀祝官取祝捧幣者取幣掌祭官

取饌詣燎所典祠啓詣望燎位

大樂作

典祠典儀導王

至望燎位

樂止

候燎半司禮唱可燎典祠啓禮畢導引

王還次引禮引陪祭官出

王國祭城隍儀

齋戒 前期王散齋二日於別殿王相府官於正寢王致齋一日於正殿王相府官於公廨

省牲 先祭二日執事設王次於廟壇南門外道之東南向先祭一日典儀典祠導王至次執事者各執事典儀典祠導王至省牲位執事者自東牽牲西行過王前



省訖執事牽牲詣神厨典儀典祠導王詣神厨視鼎鑊  
視滌濯訖典儀典祠導王還次

陳設 先祭一日典祠依圖陳設

正祭 祭日清晨典祠率執事者各實尊罍邊豆簠簋  
登銅置幣篚於案祝版於神位之右大樂入就位諸執  
事及陪祭官入就位典祠啓王服遠遊冠絳紗袍典祠  
典儀導王至位北向立典祠典儀分左右立於王之前  
迎神 司禮唱迎神 大樂作 司禮唱請行禮典祠啓有

司謹具請行事啓鞠躬平身司禮唱在位官再拜司贊  
唱鞠躬拜興拜興平身王鞠躬平身在位官鞠躬拜興  
拜興平身

樂止

奠幣初獻司禮唱奠幣行初獻禮典祠啓詣盥洗位

大樂作

典儀典祠導王至盥洗位

大樂止

典祠啓搢圭

王搢圭典祠啓盥手司盥洗者酌水王盥手訖司巾者  
以巾進典祠啓悅手王悅手訖典祠啓出圭王出圭典  
祠啓詣爵洗位典祠典儀導王至爵洗位典祠啓搢圭

王搢圭執爵官以爵進典祠啓受爵王受爵典祠啓滌  
爵司爵洗者酌水王滌爵訖典祠啓拭爵司巾者以巾  
進王拭爵典祠啓以爵授執事者王以爵授執爵官典  
祠啓出圭王出圭啓詣城隍神位前

大樂作

典儀典祠

導王至神位前北向立

樂止

典祠啓搢圭王搢圭啓上

香上香三上香王三上香訖捧幣者以幣進於王之右  
王受幣奠於神位前捧爵者以爵進於王之右王受爵  
典祠啓祭酒祭酒三祭酒奠爵王三祭酒奠爵訖典祠

啓出圭王出圭讀祝官取祝讀於神位之右讀訖復以

祝置於案典祠啓鞠躬王鞠躬

大樂作

典祠啓平身王

平身典祠啓復位典祠典儀導王復位

樂止

亞獻

司禮唱行亞獻禮典祠啓行亞獻禮典祠典儀

導王至神位前掌祭官於神位前爵內斟酒典祠啓鞠

躬

大樂作

王鞠躬啓平身王平身典祠典儀導王復位

終獻如亞獻之儀

飲福受胙

司禮唱飲福受胙執事舉香案置於王位

前執事酌福酒舉胙肉典祠啓飲福受胙

大樂作

典祠

典儀導王至香案前位典祠啓鞠躬平身王鞠躬平身  
典祠啓搢圭王搢圭執事捧爵東向進於王王受爵啓  
飲福酒王祭酒少許飲福酒以爵置於坫執事官東向  
進胙於王王受胙以胙授左右左右西向受之典祠啓  
出圭王出圭典祠啓鞠躬平身

大樂作

王鞠躬平身典

祠啓復位典祠典儀導王復位

樂止

徹豆 司禮唱徹豆掌祭官徹豆司禮唱賜胙典祠啓

王飲福受胙者免禮司禮唱望燎陪祭官皆再拜司贊唱鞠躬拜興拜興平身陪祭官皆鞠躬

大樂作

拜興拜興平

身

樂止

望燎司禮唱望燎讀祝官取祝捧幣者取幣掌祭官

取饌詣燎所典祠啓詣望燎位

大樂作

典祠典儀導至

望燎位

樂止

候燎半司禮唱可燎典祠啓禮畢導引王

還次引禮引陪祭官出

各府州縣祭山川

古者諸侯祭其封內山川後世封建既廢山川之在郡縣者自唐以來皆祭嶽鎮海瀆祀官以當界都督刺史充其或水旱灾厲則牧守各隨其界內而祈謁其於郡縣築壇通祀如風雨雷師之祭則未之前聞也國朝於王國既已祭其封內山川而郡縣亦得於本境築壇致祭凡各府州縣山川壇皆築於城西南高三尺四出陞三級方二丈五尺祭則設主於其上以春秋清明霜降日行事牲用羊一豕一籩二實以栗黃牛脯豆二實以

葵藟鹿醢簠一實以黍飯簋一實以稷飯象尊一實以緹齊壺尊一實以事酒

各府州縣祭山川壇儀

時日 春用清明日秋用霜降日行事

齋戒 前三日三獻官

守令為初獻僚屬以次為亞終獻

散齋二日於

別寢致齋一日於祭所散齋理事如舊惟不弔喪問疾

不作樂不判署刑殺文書不行刑罰不預穢惡事致齋

惟祭事得行其餘悉斷執事人員齋各一日於祭所



陳設 前祭二日有司掃除壇內外設三獻官執事官  
次於壇壝門外為瘞坎於門外之西北方深取足容物  
前一日執事設省牲位於南門之外設山川神位於壇  
上之北正中南向每位設籩四於神位之左豆四於神  
位之右簠簋各一於籩豆之間毛血豆於簠簋之前俎  
二又於毛血之前香燭案於俎前爵拈沙池於香案之  
前祝版於神位之右設酒尊位於壇上東南隅犧尊一  
山壘一次之設幣篚位附於酒尊所設爵洗位於壇下

之東盥洗位於爵洗之東初獻官位於壇下之正中北向亞獻官位於初獻位之左終獻官位於初獻位之右掌祭官二人位於神位之左右司尊司爵司洗捧幣位各於其所設望瘞位於壇之西南

省牲 前祭一日執事者引三獻官至省牲位北向立執事者自門東牽牲西行過獻官前省訖執事者牽詣神厨遂烹牲執事以豆取毛血置饌所

正祭奠幣 祭日丑前五刻行事執事者入實尊疊邊

豆簋簋登鉶陳毛血豆祝版執事者各服垂角唐巾盤  
領衫各就位引贊引獻官各服公服入就位贊引唱有  
司已具請行事贊禮唱鞠躬拜興拜興平身在位皆再  
拜贊者唱奠幣引贊引初獻官詣盥洗位引贊唱搯笏  
初獻官搯笏唱盥手司盥洗者酌水盥訖唱幌手司巾  
者以巾進幌訖唱出笏初獻官出笏引詣山川神位前  
北向立唱跪搯笏初獻官跪搯笏執事者以幣跪進於  
初獻之右初獻官受幣奠於神位前訖稍後引贊唱俯

伏興拜興拜興平身初獻官俯伏興拜興拜興平身引復位

初獻 贊禮唱行初獻禮引贊引初獻官詣爵洗位引贊唱搯笏初獻搯笏執爵者以爵進初獻受爵司爵洗者酌水初獻滌爵拭爵以爵受執事者引贊唱出笏初獻出笏引詣酒尊所引贊唱搯笏初獻官搯笏訖執事者以爵授初獻初獻執爵司尊者舉罍酌犧尊之緹齊以爵授執事者引贊唱出笏初獻官出笏引詣山川神

位前北向立引贊唱搢笏跪初獻搢笏跪掌祭官捧香  
跪進於初獻之左引贊唱上香上香三上香初獻三上  
香訖執事者以爵跪進於初獻之右初獻受爵引贊唱  
祭酒三祭酒奠爵初獻三祭酒奠爵訖引贊唱出笏讀  
祝官取祝跪於神位之右讀訖引贊唱俯伏興拜興拜  
興平身初獻再拜訖引復位


亞獻終獻並如初獻之儀

惟酌山罍之事酒與  
不讀祝與初獻不同

飲福 贊禮唱飲福贊禮引初獻官詣飲福位西向立

掌祭者以爵酌福酒持詣獻官之左引贊唱鞠躬拜興  
拜興平身初獻官再拜訖引贊唱跪搯笏初獻跪搯笏  
掌祭舉福酒爵進於初獻之左初獻受爵祭酒少許飲  
福酒奠爵掌祭者減神位前胙肉跪進於初獻之左初  
獻受胙以胙授執事者引贊唱出笏俯伏興拜興拜興  
平身初獻再拜訖引復位贊禮唱賜胙初獻官飲福受  
胙免拜在位者皆再拜唱鞠躬拜興拜興平身亞獻官  
以下皆鞠躬拜興拜興平身

望瘞 贊禮唱詣望瘞位引贊引初獻官以下詣望瘞  
位北向立祝人取祝幣人取幣掌祭取饌置於坎贊引  
唱可瘞置於半坎贊引唱禮畢引初獻官以下及諸從  
祭官以次而出



明集禮卷十四